



**Sindikat srednjeg i visokog obrazovanja, odgoja, nauke i kulture  
Bosne i Hercegovine  
SSVOONK BiH  
KANTONALNI ODBOR USK-a BIHAĆ  
Tel/fax: +387 37/223-661  
Bihać, Krupska bb  
e-mail: [predsjednik\\_ssvonk\\_usk@hotmail.com](mailto:predsjednik_ssvonk_usk@hotmail.com)**

---

Broj: 01- FS-51/21  
Bihać, 08. 04. 2021.godine

**Saopštenje za javnost**

Poštovani,

Pošto smo pretpostavili još u ranijem periodu da bi do problema isplate plaća za radnike u obrazovanju u vrijeme privremenog finansiranja moglo doći, konsultovali smo se sa ranijim ministrima finansija, saradnicima u ministarstvu finansija i dopredsjedavajućim Skupštine USK, te dobijali uvjerenja da isplata plate za mjesec februar i mart neće biti dovedena u pitanje.

Međutim, u vrijeme političkog potkusurivanja kada preko prosvjetnih radnika žele da rješavaju svoje političke probleme dovodi se u pitanje egzistencija ljudi koji su i u onako teškom položaju izazvanim nebrigom o zdravlju ljudi za vrijeme pandemije, nebrigom o pravovremenom i dovoljnom testiranju, zamajavanjem javnosti o PCR aparatu u bolnici Bihać, nevakcinacijom, a na to sve i da se oduzme osnovno egzistencijalno sredstvo u vidu zarađene februarske i martovske plate koja nije bila upitna u proteklom periodu kada Budžet nije bio aktuelan.

Sada preko nas vršite pritisak i slažete svoje ekipe za igre bez granica. Budžet niko od sindikata nije ni vidio, a kamoli raspravljao ili se obavila javna rasprava kako bi imali saznanja da li je on planiran, u nama interesantnim stavkama. Da je ovo sve istina i da je dogovor o isplati plata ranije postojao potvrđuje i javni istup dopredsjedavajućeg Skupštine USK, Razima Halkića u emisiji „Dnevnik“ RTVUSK (29.03.2021.godine) gdje javno iznosi da isplata plata do kraja aprila mjeseca neće biti upitna.

Zar Vam uopšte može pri zdravom razumu pasti na pamet da dovedete u egzistenciju 6000 porodica u i onako teškom vremenu pandemije. O budžetu se trebalo raspravljati još u decembru i tad rješavati ove probleme, a ne koristiti ih u političke svrhe.

Prosvjetni radnici su još jednom izvarani, čime ste po ko zna koji put pokazali koliko nas cijenite.

S poštovanjem,

Predsjednik KO SSVOONK USK  
Samir Fačić